

Promotion

#gkb2020

Banca Chantunala
Grischuna

150 ONNS BANCA CHANTUNALA GRISCHUNA



Optimà il provediment d'aua grazia al Climaqua Fond

La Banca Chantunala Grischuna (BCG) e las Allegra Passugger Mineralquellen AG han sustegnì en il rom dal giubileum da la BCG #gkb2020 in emprim project dal Climaqua Fond da Passugger. Il zercladur èn vegnids plazzads sin la Grossalp en Val Stussavgia dus novs bigls che gidan a meglierar il provediment d'aua sin l'alp.

Sin la Grossalp en Val Stussavgia manca dapi onns in bun provediment cun aua da baiver. Per meglierar quella situaziun planisescha la pastiglia dapi passa dus onns da renovar e plazzar en novs lieus ils bigls per ils viandants e las vatgas. La producziun da latg sin l'alp ha numnadain patì considerablain pervia da l'aua mancanta.

«Per nosa alp èn ils novs bigls ina gronda plivalur», di Christoph Zinsli, chau d'alp da la Societad da tegias Grossalp Stussavgia. Sche las vatgas n'han betg avunda aua, patescha d'ina vart la producziun da latg, da l'autra vart però er il bainstar dals animals. «Per nus è il project gia ussa reussi cumplainmain», cuntinescha Zinsli. Cun dapli latg possian els producir dapli chaschiel e quai augmenta lura er il gudogn.

Engaschi durant l'onni da giubileum

Cun ils dus novs bigls sin la Grossalp en Val Stussavgia è vegnì realisà l'emprim project dal Climaqua Fond da Passugger. «Igl è in project pitschen cun in grond niz ed el correspunda a l'idea fundamentala dal fond», di il CEO da la BCG Daniel Fust. «Il fond sustegna umans, projects ed organisaziuns che s'engaschan per la protecziun da l'ambient, dal clima e da

las auas.» «L'aua en general, ma en spezial l'aua minerala natirala è in bain natiral e cultural impurtant per il Grischun e per tut la Svizra», cumplettescha Urs Schmid, CEO e possessur da las Allegra Passugger Mineralquellen AG. I saja noss duair da tractar quest bain cultural cun respect e responsabladad. «Quella pretaisa è per nus dapi il 2005, l'onni che las funtaunas da Passugger èn puspè vegnidas en mauns grischuns, dad immensa impurtanza», cuntinescha Schmid.

L'onni da giubileum van la BCG e las Allegra Passugger Mineralquellen AG ussa vias comunablas. Lur finamira è da render attents ils umans che baivan l'aua minerala a projects d'aua persistents. Sin tut las buttiglias da vaider da las auas mineralas dad Allegra e da Passugger è da vesair quest onni il messadi dal giubileum da 150 onns da la BCG. E cun mintga aua minerala vendida sustegna la banca il Climaqua Fond da Passugger. «Nus sustegnain il Climaqua Fond però era suenter l'onni da giubileum», accentuescha Fust. L'engaschi da la BCG en favur dal fond saja vegnì fixà fin l'onni 2022. Ultra da quai sustegna la banca quest onni il fond cun ina summa unica per in'ediziun speziala d'ina buttiglia da giubileum.

L'engaschi da la BCG per il Climaqua Fond da las Allegra Passugger Mineralquellen AG correspunda exactamain al motto da la banca per ses giubileum da 150 onns. La banca metta en il center la natira, l'aua e la durabladad per pudair metter accents persistents per l'avegnir.

La midada dal clima fa luar ils glatschers

Il Grischun vala sco la chombra d'aua da la Svizra. Surtut ils glatschers èn d'impurtanza centrala per l'accumulaziun d'aua. La midada dal clima fa però luar ils glatschers grischuns en in tempo impresiunant. La BCG ha la finamira da sensibilisar la glied durant l'onni da giubileum per l'aua sco resursa impurtanta e per ils glatschers, per che quests dus temas survegnian l'attenziun duida.

Per quest motiv ha la banca era pussibilità il studi preliminar per il project «MortAlive» dal glaziolog grischun Felix Keller ed uschia investì en la perscrutaziun cunter il regress dals glatschers. La luada dals glatschers è ina sfida globala e dat al project in'impurtanza internaziunala. «Er il Grischun è pertutgà fermamain dal regress dals glatschers», di il CEO da la BCG Daniel Fust.

Ina part dal project è in implant da test sin il Corvatsch, nua che duai vegnir installà l'emprim indriz pli grond da sugas d'ennavar. Las datas ed ils resultats da quel test vegnan integrads en il project grond planisà sin il Vadret da Morteratsch. In studi davart la realisabladad cumprova: «Sch'i reussescha d'ennavar cun meds technics ina surfatscha da 0.8 kilometers quadrats cun reciclar l'aua dal glatscher e quella part dal vadretg fiss lura cuverta cun naiv mintga stad, na sa sminuiss il Vadret da Morteratsch betg pli suenter 10 fin 15 onns.» Questa tecnologia pudess gidar a segirar a lunga vista las basas da viver ed evitar moviments da migraziun.

In center da visitaders modern

Durant l'onni da giubileum na sustegna la BCG però betg mo la perscrutaziun. Cun la finamira da sensibilisar il public per l'aua ed ils glatschers realisescha la banca in center da visitaders da caracter surregional che duai esser in signal persistent era suenter l'onni da giubileum. Igl è previs d'inaugurar il center da visitaders l'atun.

■ Tut davart il giubileum da 150 onns da la BCG: gkb2020.ch

